

四庫全書

子部

欽定四庫全書

子部

普濟方卷三百五十七

詳校官太醫院吏目臣吳尊變

編修臣倉聖脈覆勘

總校官進士臣繆琪

校對官中書臣朱炘

謄錄監生臣李學瞻

欽定四庫全書

普濟方卷三百五十七 明 周王朱橚 撰

產難門

橫產

附論

夫橫產者由初覺腹痛產時未至胎未轉動早已驚慌
使用力產之故令橫也或觸犯禁忌所為將產坐卧處
湏順四時方面并避五行禁忌若有觸犯多致災禍也

方

貝母丸 治橫產或顛倒胞衣不出毀傷不出產後餘

病汗出煩滿不止少氣滿逆 一名千金九

貝母

煨黃

甘草

炙

秦椒

去目及閉口去汗

大豆黃卷

乾薑

炮

桂心

粳米

石膏

細研

黃芩

石斛

去頭各一兩

當歸

半兩

犬膏

細研

右為末用棗肉和丸如彈子大不拘時候以溫酒研

下一丸

金液丸

治將產忽見橫倒者因不能忌口恣情多食

五臟氣滯六腑不和胎氣既肥或用力太早胎受驚觸急服此藥兒身自順生矣

飛生毛

火燒成灰用一錢

血餘

用男子髮燒灰

硃砂

半錢別研

公母羊糞

燒灰各半錢

竈中心土

一兩

黑鉛

三錢用水銚子火上鎔投水銀半錢攪成砂傾出細研

右為細末用粽子為丸如菉豆大遇難產時急以倒流水吞下五九兒身自順則正產子母活矣一方五月五日合尤妙勿令鷄犬婦人見

滑石散 治橫產逆產危急方

葵子 滑石末

各一兩

石為末每服五錢至一兩煎蠶退灰湯調下

治橫倒產者或先出手足者

明阿膠

炒一方用酥

滑石末

各一兩

葵子

二合

右取水二盞煎一盞去滓分二服

治橫產及手足先出者

取染上塵竈突墨酒服之

又方

取車釭中脂書出字於兒腳下一方畫腋下及掌
心

催生鈆丹 治橫逆難產

以黑鈆一錢用小銚子火上鎔投水銀二錢急攪
成砂子傾出用熟絹紐出汗衫角紐作九子如葦
豆大臨蓐香水吞下二九一云胎前數證危急產
後亦然此藥可預為備急

龍蛇散 治橫產逆產

以蛇蛻入碓子內鹽泥固濟燒存性為細末每服
二錢榆白皮煎湯調下凡產不順手足先見者溫
酒一錢仍用傅兒手足即順又治吹乳

療橫產及側手足先出

右可持麤針刺兒手足入二分許兒得痛驚轉即
縮自當順產

治橫產逆產

如小兒手足先出將父名書脚心上隨即順生
又將兒脚心搔抓亦妙

治橫倒產手足先出法

以水牛尿塗母腹上即便順產

又方

以三姓鷄卵各一枚三姓鹽各一錢三姓水共一
大盞相和煮五七沸分二服令母面向東服之妙

又方

用蘧麥二兩剉以水一大盞煎六分去滓分二服
又方

燒錢二七文令赤投一杯酒中候冷飲之

倒產法

橫倒逆產條目雖分方藥之類可參酌相當隨意
救之若兒先出脚即以湯和鹽塗之并塗母腹塗
兒脚後急以手搔之兒生手取出馬鷄血塗於手
掌上良天制順此三字相連成一符應產不如常

者朱書服上并書紙上水吞之

治難產及不順產立効方

右乞取三家飯著手中即順產甚効

治產婦橫產

用苧麻子三十箇研爛婦人頂上剃去髮少許藥
塗之須臾覺腹中提正便刮去藥却於脚心塗之
自然順產也

治倒產難產方

用厚蠶子燒末飲服三錢

治橫產不可出

用車前子末酒服二錢匕

治婦人橫產

用鐵杵若無杵則將利斧燒令通赤乘熱入好酒內服之須臾即順生矣

治橫產倒產

用葵子花為末酒服之方寸匕

治橫產

以菟絲子為末酒調下一錢匕米飲調亦得

治橫產不可出

用梁上塵以酒服方寸匕亦治倒產

治婦人倒產

以麻子吞二七枚即正

治倒產手足冷口噤

以冬葵子炒令黃搗末酒服二錢匕則順

產難子死腹中

夫產難子死腹中者多因驚動太早或觸犯禁忌致令
產難皆因穢汚先下產時未到穢露已盡而胎枯燥故
子死腹中其後產母舌青黑及胎上冷者子已死也故
產處坐卧須順四時方而并避五行禁忌若有觸犯多
招災禍也胞衣未出危於胎之已降子死腹中危於胞
之未下盖胞胎未下子與母通其呼吸若子死腹中胞
臟氣寒胎血凝聚由於子死氣不升降所以難產不觀古

之方論多以行血順氣之藥及消石水銀硃砂之類蓋胎死則血凝氣聚不能轉動再服至寒之藥不惟無益而害母命者有矣然古人用藥不能無意但後覺不分爾子死理有二端用藥寒濕各從其宜有妊娠崩漏血盡子死者有緣擷撲內傷子死者有緣久病胎萎子死者若此之類須令坐人提挈妊婦使身體平正仍以裯襠自腰抵定令仰坐開足向地如欲產勢便進附子湯三服方見于後即以衣裹溫瓦數片三二人不住手自

臍腹腰脇左右周回熨之使胞藏溫煖凝血流動蓋附
子湯內能破寒墮胎服之少頃覺腹內痛陣連作惡血
漸動良久必產此用溫藥之意也有妊婦因傷寒熱病
溫瘧之類胎受寒邪熱毒氣內外攻逼因致死胎不即
下留於胞藏古人慮胎受毒氣必致貽害故能使死胎
化成腐爛隨惡血行下此用寒藥之意也臨產更令坐人
以手墊體後胎有橫有逆有死有生以意治之庶免留
難凡生產之理胎活則所懷之子日月已周臍繫不牢

所以自下猶實果既熟不候剪伐若胎死日月未足臍繫尚固猶之果實未熟本質雖枯不折不離所以難治行之有法用之有度斯無虞矣凡審死胎當宜熟辨有妊婦緣病胎隱伏不動難忍存亡者宜先令坐人以煖手就臍下款款按至胎處覺冷應是胎已死稍溫即非更看妊婦外證面青舌冷舌下脉青黑者皆子死之候也

方

真珠湯

熟真珠

一兩

榆白皮

切一升

右二味以苦酒三升煮取一升頓服之死胎立出

治妊娠未足月胎卒死不出產母欲死方

以苦酒濃煮大豆每服一升胎立出不能頓服分
為二三服亦可兼治積聚成瘕

治胎死腹中若母病欲下之方

取榆白皮細切煮濃三升服之即下難生者亦佳

蘧麥散

治妊娠三五箇月胎死在腹內不出

大腹子

赤芍藥

榆白皮

各三兩

當歸

炒一兩

滑石末

二分

瞿麥

葵子

炒

茯苓

子苓

各半兩

粉草

右為麤末每服四錢水一盞煎七分去滓不拘時候

溫服又須詳母虛實冷熱用之母患熱病薰蒸至此

可用

療死胎腹內不出母已危殆不得已者立驗方

水銀

半兩

桂末

一錢

右只作一服溫酒調下粥飲亦可一方故鞋底熱灸
熨小腹上下

又方

以利斧煨赤置酒中待溫飲之其子便下

錫粉丸 治妊娘胎死腹中其母面赤者是宜用此方

水銀 錫粉

各一錢

右同研不覺水銀為度以棗肉和丸莞豆大煎瞿麥
湯下

十全博救療胎死腹中

以好辰砂一兩水煮數沸研令細酒調服二錢

又方

以鷄子黃一枚用薑汁一合調鷄子黃令勻頓服
分晚後吃芸薹粥良一方先用酒三分薑醋二分
薑同煎沸入薑汁三分薑又煎令沸傾出用鷄子
黃一枚乘熱打轉稍熱服之須臾未下盡此三服

下死胎方

桂心末

二錢

麝香當門子

一箇

右同研溫酒服須臾如手推下比之用水銀等藥不損血氣一方無麝香用桂末二錢痛陣密時溫童子小便調下名觀音救生散兼治難產及橫倒生一方名桂香散

又方 主子死腹中

用水銀如彈子大以棗肉勻和丸如大豆許水吞下立出

朴消散 療死胎不出

以朴消為末每服二錢溫童子小便調下即出一
云朴消入砂同研○昔有產婦子死腹中號哭不
已令用此藥灌之即下後用此方以救人無不驗
也

治死胎不下其證指甲青舌青脹悶甚者口中作尿臭
先以平胃散一貼作兩服每服酒水各一盞同煎一
盞却投朴消半兩研細再煎三五沸傾出候微溫

服盡其胎即化血水而下一方童子小便調服進
賢魯宰以此與猫及牛皆下死胎再活

奪命散 治胎死腹中危甚亦可用此藥取出

以白篇豆生去皮為末米飲調下一錢不及末煎
數服亦可

治胎死腹中因打撲傷損所致

右以局方至寶丹極妙然須自合者方効

治胎死腹中因打撲傷損所致其證指甲頭青悶脹舌

青甚者口中作屎臭以瓜蒌焙乾為末每服二錢倒流水調下一服取効仍先防備暈藥

治生產不下死胎在腹橫生倒生胞衣不下一切危急者

以蛇蛻一條全者斷者不可用以火筋挑起令直用麻油紙撚從尾燒上以乳鉢接貯研細羅過又蠟螬窠一箇須通透出過子者研細和勻作一股以無灰酒半盞煖熱再以童子小便半盞浸平

之服下即便分娩蛇蛻須是雄塙頭籬上者是一方蛇退皮一條燒灰存性以榆白皮煎湯調下

治妊娠胎死腹中若胎衣不下者上搶心者

以雀麥一把水五升煮二升汁服

烏金散 治產難熱病胎死腹中或因顛仆或從高墜

下或房室驚搖或臨產驚動太早觸犯禁忌產生未到經血先下惡露已盡致胎乾子死不能自出但是產婦面舌赤青若是面青舌赤母死子活唇青吐沫

子母俱斃又有雙懷或一死一活其後猶難湏知臨期觀變

熟地黄

酒浸

真蒲黃 歸身 交趾桂 楊芍藥

軍薑

去皮

粉霜

各一兩

小黑豆

四兩

百草霜

五錢

右為末每服二錢半醋半合沸湯六七合攪勻溫服疑貳之際知之未的以酒水合煎三二服探之若未死子母俱安若胎已死立便逐下的知其胎死進此藥後更進香桂散湏臾如手推下常用催生更加好

滑石末半兩葵子五十粒槌碎黃竹葉七八片葱白
二寸順流水煎湯調下一方用滑石能利小便黃竹
葉散風氣葱白內通陽氣盛血行即產此藥療多功効

硃砂散 治胎死腹中不下

硃砂

細研

當歸

各一兩

右二味當歸極細另研硃砂為細末只分作二服用
溫酒調下無時服如重車行五里不下再一服立効
治子死腹中不出方

以牛屎塗母腹上立出極熱佳

又方 治橫逆不順子死腹中

取竈下黃土三指撮酒服之立出土當著兒頭亦
治逆生橫生不出手足先見者一方水調服之

又方

右服水銀三兩立出

又方

取夫尿二升煮令沸飲之

又方

用水槐吞子二七枚亦治逆生一方有蒲黃

又方

用瞿麥一斤以水八升煮取二升一服一升不出再服

又方

以酢二升拗口開灌之

一字神散

治子死胎不下胎破不生此方累有效救人幾萬
數用鬼臼不拘多少黃色者去毛碾為末以指撚
之粉極細每服二錢用無灰酒一盞煎八分通口
服立効此藥不用羅只碾令極細

牡丹丸 治產前子下血多子死腹中其人增寒手指青面
白色黃黑或胎上搶心悶絕欲死冷汗自喘滿不食
或食毒物或誤服草藥傷胎下血不止胎尚未損可
安若已死服之可下 一名奪命丹

牡丹皮

去骨

白茯苓

去黑皮

桂心

去粗皮

赤芍藥

桃仁

湯浸去皮尖雙仁麤炒各等分

右等分為末蜜九彈子大每一丸細嚼淡醋湯送下
連進二一方奪命九治腐爛腹中危者亦出
治子死腹中若衣不出欲搶心方

取竈突中墨三指撮許以水苦酒調服立出當著
兒頭生

又方

取炊蔽灰服之亦治胞衣不出

牛膝丸 治產數日子死不出母氣欲絕

杜牛膝

五升

紫金藤

十錢

厚肉桂

二錢

土當歸

四錢

葵根

十錢

麝香

半錢

右末米飲為丸如梧桐子大硃砂為衣每服五十九
乳香湯下

治子死腹中不出

用雄雞糞二十枚水二升煎取五合下米作粥食

即出一方用鷓鴣糞

治子死腹中

用黃明乳香以端午日午時或歲除夜取猪心相和研為丸如鷓豆大以紅絹袋盛掛於門上如有患者冷酒磨下一丸

養正丹 治難產子死腹中昏沉脉微

用每服一百二十粒濃煎乳香服兩手更把石燕子各一枚即當胎下人活或只用朴消末每服二

錢重童便好酒調下効

方見

治胎死腹中身體如藍舌稍紅

大劑芩歸湯多加肉桂牛膝葵子每服半服製三服每服水二盞煎一大盞服之○又云產難母子生死之候若母面赤舌青者母活子死母面青舌赤口沫出子活母死母唇口皆青口兩邊沫出身重寒熱舌下青黑反唇上冷遇此證者子母俱死不可治者而不藥也

治胎死腹中乾燥難產方

葵子

升一

阿膠

兩五

右二味以水五升煮取二升頓服之未出再煮服

治妊娠胎死腹中若子生胞衣不出腹中引腰背痛方

甘草

尺一

筒桂

寸四

雞子

一枚

蒲黃

合二

香豉

升二

右以水六升煮取二升頓服之胎胞穢惡盡去大良

附子湯

治子死腹中

桂去麋皮不
得見火

烏頭大者炮去皮
臍各一兩

右剉每服二錢匕水一盞煎七分去滓溫服須臾連

三服

粉霜散 治子死腹中漸成脹滿

粉霜 消石

各半兩

蛇蛻灰

三錢

右各研細和勻每服二錢匕溫酒下醋湯亦得浸漸

連併三兩服如更未下即服丹砂散

地黃酒 治妊娠因漏血傷胎子死未久

用生地黃二斤洗淨切搗取自然汁每服用七分酒三分盞同煎纔服稍熱便服連三服未下再服

牛膝湯 治子死腹中氣血凝結致子難下

牛膝

酒去苗

朴硝

研各三分

生乾地黃

一兩半

桂皮

芎藭 大黃

炒

蒲黃

各半兩

右為散每服三錢匕水一盞煎七分去滓溫服連三五服未下再服

牛膝湯 治子死腹中氣血凝結難產或死子已久壞

爛母欲悶絕者

牛膝

去苗一兩

生地黄

汁一盞

當歸

桂

炒各三分

芎藭

蒲黃

各半兩

瞿麥

去根

消石

研各三分

右除地黄汁外搗為麤末每服五錢水一盞半煎一

盞去滓再煎入地黄汁三分盞打轉煎沸稍熱服三

兩服內惡露下也子出免生他病

地黄湯 治妊娠五六月子死腹中不出

生地黄

焙一兩

牛膝

去苗

芎藭

桂

去皮

當歸

朴消

各三分

蒲黃

研各半兩

右麤搗篩每服三錢匕水酒各半盞煎七分去滓連

服三五服

猪脂湯 治死子腹氣血凝滯不下

猪脂

一兩切

白蜜

半盞

酒

一盞半

右三味相和同煎沸後分作三服未下再依前法製服

甘草湯

治妊娠顛撲內傷致子死腹中速服滑氣血

甘草

炙

桂

去皮各
一兩

右麤搗篩每服三錢匕水一盞煎七分去滓溫服連

三五服未下再服

甘草湯 治子死腹中未下

甘草

炙

桂

去皮
半兩

香豉

炒二
兩

右為末每服五錢匕水一盞半煎一盞去滓用鷄子

一枚取清打轉入藥內再同煎七分稍熱服須臾未

下再作服

芡蓴湯 治子死腹中不下

芡蓴

當歸

各一兩
生切

瞿麥

去根
三分

右為散每服三錢匕水一盞醋少許同煎七分去滓
連三二服必下

黑豆湯 治子死腹中溫氣滑血

黑豆

搗碎
半升

生薑

細切
四兩

右以童子小便三碗同煎取二碗去滓每服一盞連
二三盞未下再服

龜甲湯 治產難或子死腹中不下

龜甲

酒炙

當歸

各半兩

亂髮

一塊鷄子大取產多者婦人髮于瓦上燒灰

右先細研髮灰次入當歸末水一盞半煎八分然後下龜甲末煎五七沸分為三服後如人行四五里更服

水銀丸 治姙娘子死腹中不出

水銀

半兩

硫黃

一分與水銀約為砂子

白礬灰

半兩

硃砂

半兩

右搗研令細煮棗肉為丸棗豆大煎榆白皮酒下五

丸如覺腹痛子即下

又方

水銀

一分以水棗肉研令星盡

硃砂

一分

雄黃

一分

右同研令細煮棗肉和丸菴豆大不計時候以槐子湯下五丸

治姙娘子死腹內不下方

皂子黃

四兩

米醋

三升多年為佳

右用五升瓶盛文火煨熟用紙蓋瓶口將向婦人面

前去紙取氣薰少時即下

又方

蘇枋木

一片細
槌綿裹

水銀

一兩

右以水五盞煎蘇木大盞每服取二分下水銀一分
如人行三五里再服死胎當化水下後三日須食
煖物若食冷物即惡血不盡

治胎死不出方

用赤小豆一升醋煮令熟分二服死兒立出

療妊身熱病子死腹中欲出之

用烏豆一枚細搗水三升煮取二升稍稍摩臍下
至陰下當立出

療婦人傷娠及胎死腹中胞衣不出產後疾病及諸困
篤欲死刺取羊血及熱飲之不能者人含吐與之能
多飲益善不能咽噉少鹽又水澀其面

治胎死腹中欲下之方

用生地汁一升苦酒三合令熱服之不能頓服分

再服亦得一方治血乾胎死為末一匕酒下煎亦可

治婦人腹中有死胎面皮黑欲死不進飲食

三箇紅娘半箇剛更加鵬砂共棗穰

依方修合等分兩頭明恰似宰猪羊

右為細末棗穰丸如菉豆大臨時看虛實加減空心熱酒服三五丸即下

胎死腹中方

用薺臭草搗以少許煖酒和絞取汁頓服又葵子
一大升水五升煮取三升一服立下

治子死腹中若衣不出欲上搶心方

急取蟻蛭三升熬令熱囊盛慰心下令胎不得搶

心良

牛膝散 治妊娠經五六箇月胎橫死在腹中不出

牛膝

一兩
去苗

蒲黃

半兩

當歸

三分

雄鼠糞

半兩
炒

芎藭

二分

生乾地黄

三分

右為麝散每服三錢以水酒各半盞煎五分去滓不計時候溫服

牡丹散 治死胎下墜有敗血衝心悶絕上氣不停

牡丹 赤芍藥 青皮 白湯去 荷葉 當歸炒

蒲黃 乾薑 川大黃 已上各一兩

右為散不計時候以溫酒調下二錢

治妊娠胎死在腹無計可為宜用此方

草麻子 三枝 鼠粘子 一分

右為散以醋麵糊調塗於心上以紙貼之即生

治妊娠胎死腹內不下方

榆白皮

二兩

硃砂

半兩
細研

右以酒一盞煎榆白皮至六分去滓分為二服每服調下硃砂一分

又方

麒麟竭

一兩

蒲黃

三分

赤芍藥

三分

右為散每服以溫酒調下二錢半頗服即下

治子死腹中不出方

鹽

半合

鷄子

一枚

右相和頓服立効

治子死腹中若衣不出欲上搶心

用取夫內衣蓋井上立出

治子死腹中不出方

用三家雞卵各一枚三家鹽各一撮三家水各一

升合煮之令產婦向東飲之立出

黑神散 治熱病胎死腹中者何荅曰因母患熱病至
六七日以後臟腑燥熱薰煮其胎是以致死緣兒身
死冷不能自出但服黑神散熱藥煖其胎須臾胎氣
暖即自出何以知其胎之已死但看產婦舌青者是
其候也

桂心

不見火

川當歸

芍藥

甘草

乾薑

炮

生乾地黄

黑豆

去皮各一錢

黑附子

半錢炮

右為細末作四服空心溫酒調下一方無

治胎死腹中半產不下

官桂

去皮
一兩

牡丹皮

去心

川芎

葵子

各一分

右細搗羅為末每服五錢濃煎葱湯調下

川芎散

墜高胎死

用川芎為細末每服二錢酒下

鱉甲湯下死胎至妙

鱉甲

二兩先取半兩火燒令赤醋淬如
此二度餘一兩半只生用為末

斧頭三箇

鉄秤錘亦得燒紅投
酒中令聲絕去斧頭

右每服用藥末三錢酒一盞葱芽三箇細切放溫調下至難產者無不便下覺心頭迷悶更以柳枝煎湯洗產母心頭或衣不下者服烏金散即下

龍肝散 治子死腹中母氣欲絕

右用伏龍肝為末熟水調下若童子小便調尤妙其土當兒頭上戴出至妙

川芎蒲黃黑神散

地黃

蒸曝九遍或二十一遍如黑角色不可經冷水秤一兩生者蒸取半兩

當歸

酒浸半焙秤
一兩一分

肉桂

去粗皮不見
火一兩一分

川芎

一兩

乾薑

一兩一分

白芍藥

一兩

甘草

炙半兩

附子

炮二錢

真蒲黃

白紙上
焙一兩

黑豆

一兩半
炒去皮

右十味為細末每服三錢匕並用小便調下若胎已死腹中四肢冷口出沫爪青黑溫酒調服須臾胎暖自下及衣帶斷者但服此藥逐去血即下若血暈醫者不識呼為暗風服此即愈若乍寒乍熱或誤呼為瘧疾服此藥當若血崩不止取艾一團如鷄子大濃

煎湯調下若嘔逆惡心人參陳皮湯調下若中風牽
搐加荊芥末半錢仍煎荊芥湯調下若血渴不止加
蒲黃煎葛根湯調下若心腹刺痛加玄胡索末溫酒調
下昨有永嘉法曹司馬速坐倉受納閣中分婉亟贖
黑神散三貼傳歸與服惡血稍多進第二服其血如
傾扶策登床耳聞如鼓聲者數百二三婢重手按其
頭稍定急服當歸鹿茸二物湯夜以繼日而鼓聲漸
遠半月平復則知黑神散亦未易猛進也此盧祖常

易簡糾繆中載然遇未產後自不可以易用藥況市中黑神散安可不辨其精粗真偽也○曾有婦人熱而大便秘脉實子死腹中以致昏不知人醫用脩急九胎下人活

催生并死胎不出

用草麻三箇巴豆四箇乳鉢研細入麝香少許貼臍心上須臾間便見神効

治死胎腹中不下須是分明知是死胎方下此藥

水銀

一分

官桂

一分
為末

麝香

少許

右以官桂末麝香相袞用乳鉢內投水銀令相袞成末濃煎牛膝湯下

催生湯

蒼朮

二兩

桔梗

一兩

陳皮

六錢

白芷

桂心

甘草

各三錢

當歸

烏藥

乾薑

厚朴

芍藥

半夏

茯苓

附子

各二錢

南星

川芎

各一錢半

枳殼

炒

木香

一錢

杏仁

阿膠

一錢半

右為末每服一大盞酒下或熱悶水瀉水調蜜服之
主子死腹中不下

用懸鉤根皮濃煎服之

治女子因熱病胎死腹中

搗益母草令熟以少許煖水和絞取汁頓服良

治胎死腹中

以紅藍花酒煮服之

療子死腹中方

以真珠二兩為末酒調服盡立出

治子死腹中

取天鼠屎灰酒服方寸匕

治子死腹中

搗芫蔚莖汁服之即下

治妊娘子死腹中

以雄鼠糞二七枚以水三升煮取一升去滓取汁
以作粥食之胎即下

治倒產子死腹中

用艾葉半斤酒四升煮取一升服

治小兒死腹中

用冬葵子末酒服方寸匕若口噤不開撬開灌之

藥下即活

治倒產子死腹中

以當歸末酒服方寸匕

胞衣不出

附論

夫有產兒出胞衣不落者世謂之息胞由產初時用力太過兒出而體已疲憊不能更用力產胞停頓之間而外冷氣乘之則血道澀故胞衣不出須急以方藥救治藥妨害於兒所以爾者胞係連兒臍胞不出即不便以時斷臍浴洗冷氣傷兒則成病也舊法胎衣不出恐損兒者依法截臍而已產處隨順四時方面并避五行禁忌者若有觸犯多令產婦難產雖腹痛者未產也必腹痛連腰痛甚者即產也所以然者腎候於腰胞係腎

故也診其脉轉急如切繩無殊者即產也郭稽中論曰
胎衣不下者何荅曰母生子訖流血入衣中衣為血所
脹是故不得下治之稍緩脹滿中以次上衝心胸疼痛
喘急者但服奪命丹以逐去衣中之血血散脹消胎衣
自下而無所患更有牛膝湯等用之甚効錄以附之○
欲產之時用力太過產罷復被風寒冷氣所侵血氣凝
澀乏力運用以致時久不惟有妨兒臍兼亦致害母命
即須提絜產婦使形體平正息少時可以運動及以壯

氣益血湯散助之俾氣血滑利其胞可下矣。燕初生產婦未能諳練見胞未下恐妨兒體輒剪臍或誤牽斷或執之不固其胞直上掩心使盡天年者多矣。昔人剪臍之法必欲坐人先備金銀鈇秤錘之類用軟衣帶一條就一頭綰定仍留一頭纔下臍即將臍帶與衣帶相聯結定以緊牢為度所貴胞不上掩心也。

方

壯氣益血湯

治產後胎衣不下或被風寒所侵血氣

凝澀或氣力疲乏不能運動胞衣停息宜服

蒲黃

微炒

甘草

炙

陳皮

湯去白

桂

去皮各三分

牛膝

酒浸去苗一兩

右為散每服二錢熱酒調下不拘時以下為度

又方

取敗簋箕舌燒作灰細研每服三錢酒服之

治胞衣不下法

用小豆溫水或酒吞下如生男者一七枚生女者

二七枚

丹砂散 治胞衣不出令胞爛

葵子

阿膠

炒令燥

牛膝

酒浸

當歸

切焙各三分

右為散每服五錢溫酒調下

治胞衣不出

取小麥合小豆煮令濃飲其汁立出亦治橫逆生
者用米麥亦得

又方

取瓜瓣二七枚服之立出良

又方

取水煮弓弩絃飲五合即出亦可燒灰酒和服

又方

取宅中所埋柱掘出取坎底當柱下土大如雞子
酒和服之良

牛膝湯 治胎衣不出臍腹堅脹急痛即殺人服此藥
胞即爛下死胎及子死腹中不得出宜服之

牛膝

瞿麥

各四兩

當歸

三兩

滑石

半斤

葵子

五兩

通草

六兩一方作木通一方用芥草

右細切以水九升煮取三升分三服衣即爛出也一方用桂心二兩一方無通草用甘草一方有赤小豆治胞衣不出腹脹欲殺人及治未足月死胎

取黑豆一合炒令熟入醋一盞煎三五沸去豆分三服酒煮亦可或取鞋底炙熱熨小腹上下

松葉散 治胞衣不下氣血衝心昏迷欲絕

松葉

炙

墨

細研

紫葛

各半兩

右為散每服二錢溫水調下不拘時

芡翦散 治胞衣不出

芡翦

當歸

切焙各半兩

榆白皮

剉一兩

右為散每服三錢用生地黃汁溫調下未下再服以

下為度

香墨丸 治產難胞衣不下心腹痛

香墨

麝香

各一錢同研細

右二味以臘月兔腦九如梧桐子大每服三丸以溫酒下不拘時候以下為度

葱白散 治胎衣不出

葱白 三個 麻油 半合

右先研葱白汁少許入油相和服之未下再一服

伏龍肝散 治胎衣不出

伏龍肝 蒲黃 炒各一兩

右為散每服二錢溫酒調下不拘時候以下為度

牛膝散 治胎衣不出胞爛

取牛膝去苗兩細剉以水三盞煎盞半去滓分三服

治惡血不下盛於衣中方 取葱葉細切用三指撮以熟酒沃之去葱服立下

生乾地黄 人參 當歸

各一兩

代赭

研半兩

木香

一分

右為散每服五錢水一盞半生姜三片棗一枚擘破

同煎七分去滓不拘時溫服以胞下為度

瞿麥湯 治產胞衣不出

瞿麥穗

一兩

牛膝

去苗酒浸

桂

去皮

木通

各兩

右麤搗篩每服三錢水一盞煎七分去滓不拘時溫服未下再服

牛膝湯 治胞衣半出半不出或子死腹中

數日不產血氣上衝宜服

牛膝

去苗酒浸

葵子

炒

榆白皮

生地黄汁

三合

右四味除地黄汁外麤搗篩每服三錢水一大盞入

地黄汁一合同煎七分去滓不拘時溫服

槐子湯 治胞衣不出

槐子

如無子用枝細切一兩

牛膝

去苗酒浸一兩半

木通

榆白皮

瞿麥穗

各二兩

麻子仁

二合

右為散每服三錢水一盞煎七分去滓溫服不拘時

服以下為度

地黄湯 治產五六日胎衣不出

生地黄

切

牛膝

去苗酒浸

桂

去皮

芎藭

大黃

各一兩炒

蒲黃

炒三分

朴消

一兩半

右為散每服三錢水一盞煎七分去滓不拘時服以

下為度

當歸湯 治產後胎衣不下

當歸 芍藥

桂 去皮

右為散每服三錢水一盞煎七分去滓溫服不拘時

蒲黃散 治胎死腹中子已出胎衣不下腰背痛

蒲黃

微炒

甘草

炙

陳橘皮

湯去白焙

桂

去皮各三兩

牛膝

去苗酒浸切焙一兩

右為散每服二錢溫酒調下不拘時以下為度

松葉散 治胞衣不下氣血衝心迷悶欲絕

松葉

炙

墨

細研

紫葛

各半兩

右為散每服二錢溫水調下不拘時

芩薊散 治胞衣不出

芩薊

當歸

切焙各半兩

榆白皮

剉一兩

右為散每服三錢用生地黃汁溫調下未下再服以下為度

香墨丸 治產難胞衣不下心痛

香墨 麝香

各一錢
同研細

右二味以臘月兔腦丸如梧桐子大每服三丸以溫酒下不拘時候以下為度

葱油方 治胞衣不出

葱白

三錢

麻油

半合

右先研葱白汁少許入油相和服之未下再一服

伏龍肝散 治胞衣不出

伏龍肝

蒲黃

妙研各一兩

右為散每服二錢溫酒調下不拘時以下為度

牛膝散 治胞衣不出令胞爛

取牛膝去苗一兩細剉以水三盞煎至盞半去渣分

作三服

治惡血不下盛於衣中方

取蔥葉細切用三指撮以熟酒沃之去蔥服立下
又方

取敗簍箕舌燒作灰細研每服三錢酒服之

治胞衣不下法

用小豆溫水或酒吞下如生男者一七枚生女者

二七枚

丹砂散 治胞衣不出令胞爛

葵子

阿膠

炒令燥

牛膝

酒浸切焙

當歸

切焙各三分

右為散每服五錢溫酒調下

治胞衣不出

取小麥合小豆煮令濃飲其汁立出亦治橫逆生
者用米麥亦得

又方

取蟹爪二七枚服之立出良

又方

取水煮弓弩絃飲五合即出亦可燒灰酒和服

又方

取宅中所埋柱掘出取坎底當柱下土大如雞子
酒和服之良

牛膝湯 治胎衣不出臍腹堅脹急痛即殺人服此藥
胞即爛下凡胎及子死腹中不得出宜服之

牛膝

四兩

葵子

五兩

瞿麥

各四兩

滑石

半斤

當歸

三兩

通草

二兩一方作木
通一方用芥草

右為細切以水九升煮取三升分三服衣即爛出也

一方用桂心二一方無通草有甘草一方有赤小豆

若胞衣不出致腹脹則難治

以黑豆一合炒令熟入醋一盞煎五三沸去豆分
三服酒煮亦可或取鞋底炙熱熨小腹上下

又方

以水噀產婦面神驗用醋少許和水攪勻三噀之
亦佳

又方

用雞子二枚苦酒一合和飲之立出一方吞雞子清三枚効

延年方 療胞衣不出腹脹則殺人

吞鷄子黃三箇仍解髮刺喉中令嘔即出困極以水煮螻蛄一枚二十沸灌入口汁下即出

療胞衣不下

以紅花一兩酒煮濃熱服一方用溫酒下

又方

治胞衣不下及胎死敗血入胞中成塊脹急搶人心疼痛不可忍以鹿角鎔屑三分為末煑葱白湯調下一方酒調服之一方燒灰酒調溫服

廣濟方云取夫單衣蓋井上立出一方用內衣

治胞衣不下方

婦人百病莫甚於生產產科之難未產莫重於催生既產莫甚於胞衣不下惟有花藥石散一方最為急要如黑神散琥珀散諸方之類雖皆有驗然

鄉居或遠於藥局倉卒之間無法可施今採得胡氏寶慶方一妙法云若產訖胞衣不下停待少久非特產母疲倦又且血流入胞中為血所脹上衝心胸喘急疼痛必致危篤若有此證宜急斷臍帶以物繫墜之斷時切宜用心先繫緊然後截斷不爾則胞上掩心而死使其子血脉不潮入胞中則胞衣自痿縮而不脹縱淹延數日亦不害人只要產母心懷安泰終自下矣

胞衣不下或經一兩宿者

以皂角煨去皮勑用淨肉焙乾為末每服一錢沸湯泡水半碗溫服凡胎衣不下敗血衝心昏血悶將凉水噴灌激佳敗血十死九也須用溫湯溫之湯火布熨胃間自然便下此證曾有疑為邪祟多燒降真熏之不知烟入口鼻熱氣閉塞上下氣不相接致十死九切宜識之

胎衣不下方

以秤錘燒紅浸酒服少許妙一方用鉄杵鉄錢

半夏湯 治胎不下或子死腹中或子衝上而昏悶或

血早下致胎乾不能產者

半夏麴

一兩半

桂

一錢半

桃仁

二十箇去皮尖雙仁不用

大黃

五錢

右為細末先服四物湯三兩服半夏湯生薑同煎食後如未効次服下胎九

治胞衣不下

取大豆大半升醇酒三升煮取折半分三服

治胞衣不出困極氣絕者亦治子死腹中

用牛膝八兩葵子一兩以水九升煎取三升分三服一方葵子一合牛膝一兩一方酒調即下如神

治胞衣不出

取竈下土一寸研碎同好醋調令相得內於臍中
水調亦可續取甘草湯三四合服之以童子小便
同好酒下極妙

治產後胞衣不下

以三指撮取竈突後灰黑土煖水及酒服之天未明時至驗也

治胎衣不出腹脹欲殺人

但多服猪脂佳

治胎衣不下

取燕脂一塊水溫服催下

胞衣不出

硃砂末一錢膩粉一錢研為末煎滑石當歸酒調下二錢即出一方無滑石

治胎衣不下

以皂角棘不拘多少燒灰為末每服一大錢溫酒調下

又以菰蔞實一箇取子爛研蘇木等分酒及童子小便各半盞煎七分服亦能下胎如不飲酒只用小便無實根亦得

又方

用產母鞋底火炙熱熨小腹上下三七次靴底亦得

又方

用五靈脂揀去砂石及鉄屑一半炒一半生為末每服二錢好酒調下亦治惡血衝心一方童便共酒服調

又方

以苧根水濃煮溫服二碗即下或用乾荷葉一片
濃湯一盞服立下

治產後胎衣不下

蛇虫

七箇去翅足

水蛭

七箇

斑蝥

七箇去翅足

硃砂

一錢

地膽

十箇去翅足

芫青

七箇去翅足

巴豆

七粒去皮

硃砂

一錢

血竭

一錢

右為細末醋和為丸如小豆大每服三九空心溫酒

調下

治產後胎衣不下

用荷葉酒煮服之

又方

取洗兒湯半盞服或云用此湯調蛇皮末服

十全方

用大麻根三莖水煎服

補脬散 治婦人產後傷動脬破終日不能小便但漏濕不乾

黃絲綃

生者一
尺剪碎

白朮末

各一
錢

白牡丹根皮末

牡丹須用千葉
者不然無効矣

右用水一碗煎藥濃如飴空心頓服之時不得作聲
作聲不効一方有白芨

治胞衣不出方

用墨三寸為末酒服又治胎死腹中

又方 亦治日月未足而欲產者

以蒲黃如棗許以井花水服一方用溫酒化服之

又方

以苦酒服真珠一兩

奪命丹 治胞衣不出蓋產訖血流入胎衣中為血所
脹不得下治之稍緩脹滿腹中上衝心胃疼痛喘急
服此以逐出衣中之血血散脹消胎衣自下

附子

炮半兩

牡丹皮

半兩

乾漆

一分碎之炒令煙盡

右為細末以醪醋一升大黃末一兩同熬成膏和藥
九梧桐子大溫酒吞五七丸不拘時一方如未下急

服本類六味牛膝湯立下若子死不出危困或產後
羸不能更用氣力產胞久停遇冷氣乘之血道閉澀
或胎衣不下取黑豆一合炒令熟入醋一大盞煎三
五沸去滓分三服溫服或用瞿麥滑石二湯如神如聖
二方並進洪氏方胎衣不下血衝心或產前失血乾
胎過用破氣藥轉澀不行用苧麻或根煎湯吃得嘔
吐衣即下又法云令於產婦后以兩手抱挾胸前防
胞騰心從口出仍以草麻子七粒去殼研塗兩腳心

子下即洗去葷麻子甚效以鞋底灸熱熨小腹上下次
進奪命丹一方入鷄子清丸

桂心散

用肉桂為末每服二錢溫酒調服湯尤好童子小
便亦得

療胞衣不出令胞爛

澤瀉葉

三兩

滑石

五兩
屑

生麻油

二合

右以水一升半煮澤瀉取七合去滓內滑石生麻油

頓服之

療衣不出方

當戶燒黍根即出

治胎衣不下

用香油一盞熬熟入黃蠟一兩重服立下

治胎下血不止

取桃樹上乾不落桃子燒作灰和水服即差又可

散血

治胞衣不下欲死者

用燈心為絛送入竹筒內打實用火燒灰為末用
無根倒流水送下

治產後胞不時出方

取井中黃土丸如梧桐子大水吞之立出井水和
服亦治小兒不出

滑石湯 治胞不出腹內疼痛不可忍心頭妨悶四肢
昏沉不欲言語

滑石 蘼麥 桂心 赤芍藥 石韋 檳榔

甘草

炙微赤

葵子

赤茯苓

地榆

剉各一兩

右件藥都剉以水一大盞半煎一盞入酒一小盞更煎三五沸去滓分溫三服

又方

用葱白十莖并鬚以銅盆中熱水烹之候冷熱得所令產婦就上坐以葱氣熏須臾即下

又方

取生地黃汁一大盞同煖酒分三服立効

治胎衣不下惡血湊心其證心頭迷悶胎衣逆上衝心

須臾不治則其母即亡

大附子

一枚炮去皮臍為末

乾漆

半兩為末

右用大黃為末半兩酒醋熬乾却入前二味為丸如

梧桐子大每服三九淡醋湯吞下須臾又進二服胎

衣立下此藥可預先合下如無前藥用赤小豆一升

炒過用水三升煮取二升去豆取汁溫服其胎衣

立下若無小豆用婦人自己手足指甲燒灰酒調下
須臾又進一服更令有力婦人抱起徐徐將竹筒於
心上趕下為妙

疾藜子散

治產困乏腹痛目有所見兒及衣俱不下方見本
門產難類一名貝母散

療胞衣不出

取炊筭當戶前燒為末每服四錢以水一盞煎六

分去滓溫服

治產後衣未下催衣方

官桂

去皮一兩半

牛膝 木通草

川芎

各一分

右為細末每服四錢葱湯半盞童子小便半盞下藥末煎一兩沸和滓熱服未下再服

治衣不下

用蓴麻子研細傅足心衣下即急洗去否則腸出如腸出即用此藥塗頂腸當自入

又方 治胎不下

用葵根淨洗研絞取汁飲

又方

用草鞋鼻繩路上拾洗淨燒灰童便和酒調服

孫真人方

產母頭髮刺喉中取吐即下

集驗方

用川山甲炮為末酒調一錢服

治胞中血物困極者

蝼蛄一枚煮取汁灌入口即下

治產後胞衣不出及餘血搶心脹欲死者

以兔皮和毛燒灰末以酒調方寸匕服之即產衣
不下者服之即下

治胞衣不出

以貝母七粒為末酒下

又方

以婦襯覆井口立下取本婦人者佳

治難產胎衣不出

以烏芋搗汁一升服之立出

治胎不出

以真珠末一兩苦酒調服

產後胎衣不下

以蓮房蓮葉酒煮服之

治產後胞衣不出

以螻蛄腦煮汁服之

盤腸產

附論

昔趙都運恭人每臨產則子腸先出產子衣下之後其腸不收甚以為苦名曰盤腸產不能療偶在建昌得一坐婆施之一法而收之其法遇產後子腸不收之時以醋半盞新汲冷水七分碗調停一喫一縮三喫收盡此良法也

方

療盤腸生產不收者

用東行芙蓉根去上麁皮用內白皮嫩者去木爛
搗水用鵝翎毛拂上即自入如不信以試猪母即
可驗

治盤腸獻花產者

醫書不述其事然亦可驚有臨分娩產腸先出兒
即隨產俗用冷水嚙產母面其產腸自收此法虛
弱之人切不可用恐驚怯成病或即脫絕舊法以

葶麻子四十九粒研爛塗腦頂自然收上如收了
即以水洗去頂上葶麻又有久而腸為風吹乾不
能收者以磨刀水少許火上溫過以潤盤腸煎
磁石湯一杯令產母服自然收

治推腸生方又名盤腸產

以半夏為末搐鼻中則腸上矣

又方

以大紙撚以麻油潤了點燈吹滅以煙熏產婦鼻

中腸即上矣

樗枝散 治產後子腸下出不能收拾不論年深者皆治之

用樗枝取皮焙乾一握水五升連根葱五莖漢椒一撮同煎三升去滓傾在盆內乘熱裏候通手淋洗傾入五升瓶內再煎一沸依前用一服可五度每洗畢睡少時忌鹽薑酢醬溫麵發風毒物及用心力房勞等事

治產後子腸不收

用枳殼煎湯溫浸良久即入一方用二兩去穰

治產後脫腸不收

用麻油五斤煉熟以盆盛候溫却令產母坐油盆

中約一頓飯久用皂刺炙令脆去麤皮為末少許

吹入鼻中令作嚏立產神効

敗龜散 治婦人產後腸出不收

紫浮萍草

陰乾
半兩

敗龜

半兩醋
炙酥

右為末每服二錢溫酒或湯調下空心服立驗甚者
不過數服

治婦人產後腸出不收兼小兒脫肛

紫萼萍草

陰乾

晚蠶沙

炒各等分

右為末每服二錢沸湯或溫酒調下立驗

又方

山茨菰末摻腸上仍以皂黃末搗取噴嚏數聲其
腸自入

兒袋脫出名突河

荷葉以麻油按炙乾為末先用荷葉朴消湯浸出者塊肉令暖次以前末按入以縮砂仁末二錢點服再不入或過熱出以茅根湯洗訖用草麻子糯米浸過研為末安頂上即取上急洗去

家傳方

取麥麩內踈布袋中置熱湯盆內擺洗候湯溫令產母坐其上腸浸其中頻以麥麩袋動其水須臾

自收

海上方

細辛 麝香

右為末搐鼻中得噴嚏則腸收矣一方云凡通關藥皆可用

葉氏方

用朴消煎湯浸腸令煖自然收縮

連氏方

白礬末一兩調米醋一碗入淨小桶以硬炭火置內
急令產母坐其上薰之

千金方

鯢頭燒灰傅臍上仍用水調服

又方

羌活酒煎服

韓都事方

蛇床子 韶腦 胡椒 紫花梢

右等分為末每服五錢煎湯薰洗

又方

全蝎細末口含水以藥搐鼻立効

沈氏方

卷栢半兩剉碎瓷瓶水煎熟薰溫洗

治產後生腸出不收

白扁豆花 山豆根花

右等分為末每服四錢溫紅花酒調下立收入腹

又方

枳殼荆芥煎湯薰洗五倍子末粉腸上

又方

令婦人坐臼上研草麻子膏塗頂心密令以水噴其面倏然一恐擗身振動腸已收矣

謝氏方

血竭乳香

石燒煙薰即入

千金翼方

海螵蛸 硫黃

右為末粉腸上

催生 附論

夫五行論命以年月日時支干所遇五行所屬相生相
植以推人之貴賤其間最切要者時也若林開命書以
年為父母為己身月為兄弟僚友日為妻妾上官時為
子孫帝座蓋人之生也得其時則終身富貴失其時則

終身貧賤信乎人生之時不可忽也然則人生之時正
危急之時是知人有諸生產之難若產起坐既久勞力困
倦又宜急趨以救其危當此之時又何暇論其時耶○
設夫妊娠行年法若行年有與本命相值產室內當求
鞍轡仍布馬皮於灰草上令妊婦臨產時踐之手攀鞍
轡頭則易產之醫者便以此等物為產卧所需之物誠
謬論也其所以然者謂妊娠行年偶遇本命相值於所
產歲月慮有諸般艱難之厄故以此厭穰之取其快速

之意耳如或不值則無用矣

方

石竹花湯

石竹花

三錢

木通

滑石

葵子

榆白皮

各五錢

枳殼

五錢

百草霜

一錢

石為末清油少許沸湯調服久而未生再服即下

龍脫散 催生秘傳

蟬退

一兩燒存性

大蛇蛻

火燒存性一條

滑石

半兩

葵子

一兩
微炒

右為末每服一錢順流水微溫煖調下不可使熱湯

催生大聖丹

如無鮮腦用米飲搗和

片腦

麝香

母丁香

臘月兔腦子

右用兔腦子搗和為丸用金箔為衣如梧桐子大臨產時用酒或羹湯米飲嚥下男左女右手握出萬不失一是驗

催生草藥

用墻基邊煮銀酸草取一大握取順流水以砂盆
順搗四十九轉以酒和汁與產婦食即降

朱雄九 催生貼臍法

一名萬金不傳遇仙方
一名遇仙雄黃丹

雄黃 朱砂

各一錢

草麻

十四粒
去皮

蛇蛻

一尺

右為細末將水飯和九如彈子大臨產時先以椒湯
淋洗臍下次以藥安於臍中用醋紙數重付藥上以
帛繫之須臾即生急取下一方用蠟紙亦可一名金
彈丸產畢將藥候乾再研細用飯丸每丸救三人○

治橫生倒生或胎死不出凡產難證候方書所不療者悉皆治之催生之藥如五苓五積如神如聖常用皆驗多具於右倘一時取藥不及即用此丸最效如聖散

黃蜀花

三錢焙乾無花
用子爛研少半

好當歸

二錢
焙乾

右為末每服二錢熱酒調下如不飲酒用湯服必效

伏龍肝散 催生

伏龍肝 石燕

右等分為細末研令極細每服二錢煎當歸湯調下
入鷄子清一箇尤妙亦下死胎

糖油飲 治催生橫逆死胎皆可 一名二仙膏

真麻油 蜂糖

各一兩

右用新碗二隻各煎令沸又傾作一碗再煎令沸候
溫作一服未產再服

催生藥方

暑月熱可用蜀葵子半合煎湯調五苓散冬月冷

可用蜀葵子一撮煎生料五積散服

千里馬散

一名神驗散

拾路上草鞋一隻燒灰淋汁用碗覆之飯其水効
一方用鼻終小耳燒灰溫酒調服或木香湯調下
三錢如得左足者男右足者女覆者兒死側者有
驚自然理也似非切要之藥催生極驗

螺螄散

是人家壁上呪兒蜂做底窠兒尋之泡湯以飲逢

單則陽逢雙則陰是驗

催生方

用天仙子不以多少取梧桐根皮以順流水煎湯
吞下立產此藥生於江村近水處生青熟黑八九
月採

又方

用初生黃牛犢生下便剥取黃蹄焙為細末水煮
薄糊為丸朱砂為衣順流水吞下

日月餅 治催生

用杏仁一箇和皮擗破

兩片寫日月兩字復

合用菜葉包以酒吞下

催生方

用赤馬皮臨產鋪之令產婦坐上

催生丹

用兔頭二箇臘月內取頭中髓塗於紙上令風乾

通明乳香二兩碎入前乾兔頭髓同研須臘月修

合合時候夜星宿下安卓子上設香果茶同一處
排定湏是潔淨齊戒焚香望北帝拜告云大道弟
子某修合救世上難生婦人藥願降威令助祐此
藥速令生產禱訖再拜用紙帖同露之節次燒香至
來日日未出時以猪肉搗和丸如鷄子大用紙袋盛
貯透風處懸每服一九醋湯下良久未產更用冷酒
下丸即產

催生方 隨其便而用之

以蛇含石火煨醋淬七次為末每服一錢醋湯調

下

催生方

用蜀葵子四十九粒滑石白芷百草霜各三錢為末雞心炒酒調空心二服如人行五里即下

催生極効真秘方

用千人踏即路旁東廁上兩足所踏板上泥土以竹篦刮起研篩去沙加麝香少許搗早米飲丸

如櫻桃大丸罐封收候產婦坐草時痛至盛順取
長流水送下不可服藥太早服

催生方

取老鴉醋草生用不以多少臨產時砂盆內搗爛
不可搗布帛絞取汁半盞順流水半盞相和火上
溫過如五月五日採陰乾為末收起臨產調服

又方

用乳香燈心同研細不用燈心却用蚌粉炒去粉

二味不以多少以猪心血為丸如鷄頭大朱砂為衣每服一九冷酒磨下服之一名乳朱丸

催生方

用好京墨新汲水濃磨服之墨水裹兒立出効

又方

猪脂

一兩臘月者

葱白

一寸切

右同熬成油去粗通口服一方熱酒調下一錢

催生兔血散

以臘兔血蒸餅切作片子蘸之紙袋盛掛當風處
陰乾為末煎乳香調下二錢

又方

以臘月兔腦髓塗於一張薄紙上更用一張紙合
搗以稱錘槌三五十下每遇難生看大小書天生
兩字作符以醋湯調下一方用釵股夾定燒灰丁
香酒調下

催生神妙珠丹

一名推生乳香膏

右將乳香研細用猪心血為丸如梧桐子大以硃砂為衣曬乾每服一粒如大段難產時以蓮葉心蒂七枚水二盞煎一盞放溫化下二粒良久未下可再服此藥靈驗如神無有不下者如胞漿先破惡水來多胎乾不得下須先與四物湯及通真丸補養血氣次更濃煎葱湯放冷如體冷坐婆洗產戶頭是欵曲洗令氣上下通暢仍更用酥調右末塗產戶裏次服前催生藥則萬全矣如死胎不下

者用黑豆三合好酒半升煮令豆爛取汁一盞
化下藥一粒須臾便下矣萬一未下亦可再服
如胎下胞衣未下者服此亦便下也若胎橫逆
不順即先服如聖黑神散方已見前類再服此
藥催之無有不立下者矣又此方修合時須用
五月五日午時其藥最為靈驗否則用七月七
日三月三日及月初上辰日修合亦可一云乳
香為末猪心血為丸硃砂為衣如用催生冷酒

化下良久未下再服一粒一方用母猪血和入硃砂為丸

催生用藥法

一催生多用滑利迅速之藥如兔腦筆頭灰弩絃蛇皮等是也 二催生若是水血先下子道乾澀不能下者如猪脂蜜油酒葱白葵子牛乳榆白皮滑石等是也 三催生若稽停勞動之久冷風乘虛挾於胞胎使氣血凝滯而不下者加牛膝葱桂

五積散加順元散之類是也。○四催生有觸犯禁忌如臘月兔腦硃砂乳香之類是也。

應急方 催生隨其便用之

用清油同蜜少許湯調頓服

小品方令易產

以飛生一枚槐子故弩箭羽各十四枚合搗丸桐子大以酒服二九令易產也

滑胎散 催生滑胎

冬葵子

肉桂

去皮

澤瀉

榆白皮

右件各等分為咬咀每服三錢水一盞生姜三片煎七分去滓乘熱服食前

催生如聖散

黃蜀葵子

去蒂萼蘆葵子尤妙

右焙散為細末溫酒調服熱湯亦可若曾漏血臟連丸喫三服覺腹中氣寬一方用順流水溫煖調亦下死胎

又方 主催生

槐子炒

麥蘖炒

當歸炮

貝母炒

滑石各等分

右件五味同為細末每於產月十日前每日空心用酒調下二錢凡生產須服此四般第一於產前服滑胎散

牽牛子

一兩

赤土

右件二味研極細初覺疼陣頻時煎榆白皮湯調下五積散 主催生

陳皮

製六兩

麻黃

三兩

枳殼

六兩

白芍藥

川芎

當歸

甘草

炙

茯苓

半夏

製

肉桂

厚朴

白芷

各三兩

乾薑

四兩

桔梗

十三兩

蒼朮

二十四兩

右㕮咀慢炒令色轉續入肉桂枳殼姜葱煎麻黃名和氣飲如催生加杏仁南星阿膠酒水煎服

催生

雲母粉一塊如雞子大研細澄過醇酒服即順生治婦人臨產渾身痛漿破血下未得分解催生方須是

漿破血下然後可喫若孕婦漿未破血未下但覺渾身痛甚腰痛及疼經數日身體困重亦可進服凡渾身痛必是腰痛方是欲產也若未是產誤喫此藥即損母性命須是產不下方可吃也

官桂

二兩
去皮

牡丹皮

去心

當歸

牛膝

木通草

滑石

冬葵子

各半
兩

右為細末每服六錢水一盞半葱五枝煎一盞三分空心乘熱吃如人行一里再喫未下更喫以兒產為

度

治產婦令易產

以鼯鼠皮毛與產婦臨蓐持之令兒易產

令孕易產

用冬葵子葉煮孕婦臨產食之則胎滑易產

催生方

以乳香一分黃明者細研為末取母猪血和令勻

丸如桐子大每服五丸溫酒下

令人易產

以飛生蟲角臨時執之亦可燒末服少許

令易產

以蓮花一葉書人字吞之立產

令易產

以文鯉魚令產婦臨時帶之則易產亦可臨時燒
為黑末酒調一錢匕

令產婦易產

取鷓鴣令產婦臨蓐時執之則易產

令子易產

取鼠燒末以井花水服方寸匕日三服

治婦人易產

取市門上土臨月帶之又臨月產時取一錢匕末

酒服之

易產

令母帶獺皮

易產

用大蒜而多辦有葷氣謂之菝子宜煮汁與蓐婦
飲之

令易產

以糠燒末服方寸

催生

用古鑑鼻燒酒淬服之

主臨產催生方

以黃蜀葵子焙乾為末井花水下三錢匕如無子
以根細切煎汁令濃滑待冷服又方黃蜀葵子四
十九粒研爛用溫水酒服良久產

催生方

用草麻子研傅產人手足心產後拭去

催生

以鼠四足燒食之

治婦妊娠臨月令產極易

取榆白皮焙乾為末服方寸匕日三產下兒身上
皆塗之信其驗也

令易產

以羚羊角一枚刮尖為末酒調方寸匕

催生落胞并產後餘血不下

以兔頭骨和毛髓燒灰為丸酒服

孫真人催產方

以鉄器燒赤淬酒喫便令分娩

令易產

以銅弩牙燒令赤投醋三合服良久頓服立產

治孕婦令易產

用酸漿水和水少許頓服立產

催生及下胎

以石蠟熟水磨服

令易產

大麻根三莖水一升煎取半頓服立產衣不下服

之亦下

催生方

欲產時取井花水半升頓一服

令子易產

燒龜甲末酒服方寸匕

易產

以五月五日採莧菜和馬齒莧為末等分調與妊

娠服之易產

催生方

以蒲黃地龍陳橘皮等分地龍洗去土於新瓦上焙令微黃各為末三處包之如經日不產各抄一錢已新汲水調服立產嘗用之甚効斷產

治婦人斷產方

蠶子故紙方一尺燒為末酒服之終身不產

又方

油煎水銀一日勿息空肚服棗一大枚永斷不損人

療妊娠催生并斷產方

栝樓 桂心

各二兩

豉

一升


右三味切以水四升煮取一升半分服之

又方

附子三枚為末以醇苦酒和塗右足去之大良

主令婦人斷產無子

以有印處故紙剪之燒灰服之一錢匕神効



普濟方卷三百五十七